



21964

kat. komp.

III

Mag. St. Dr.

P

Lucas Sos.

Ormiński Thomae Franc. Parascenium luctu

PANEG. et VITAE

Polon. Fol.

Nr. 892

cosum.

PARASCENIVM LVCTVOSVM,

I N

Clarissimo olim ac Excellentissimo Domino,

M. LVCA IOSEPHO
OSTAWSKI,

Philosophiæ Doctore, Collega Minore, Ordina-
rio Astrologiæ ex eadem Domo Professore.

D V M E I

In Ecclesia Collegiata S. A N N Æ,
Iusta Parentalia persoluerentur,

⁂

M. THOMA FRANCISCO ORMINSKI,


Philosophiæ Doctore & Professore

dolentis calami obsequio

Aeternitati

CONSECRATVM.

Anno Domini 1688. Die 20. Nouembris.



C R A C O V I Æ,

Ex Officina Francisci Cezary, S. R. M. Illustriss. ac Rndiss. Dñi. Episcopi
Crac: Ducis Seueriæ. Necnon Schol. Nouoduorfc. Typogr.

PARASCENIVM LVCTVOSVM.

Maturate gradum, quotquot spectacula rerum
Tristia nosse iuvat, pia figite lumina, pandam :
Nona pruinosi iam lux erat orta Nouembris
Post decimam, Solem caudâq; venenifer vncâ
Scorpius attigerat, Mauors cum falce potenti
Leucadio, vires rabidas quoq; iunxerat atrox;
Blanda quies quando mortalibus incipit ægris,
Cuiq; sopore caput curis componere fessum
Implicat haud, ecce ante oculos versatier umbras
Horrendas cerno, instat plurima mortis imago
Vndiq; : mox stupui, gelidusq; per ima cucurrit
Ossa tremor, quæ fert mala nox, quæ plena pauoris
Ipse timens agito, mentis vix compos, adesse
Ni iam fata mihi patiantur sidera; sed me
Collegi postquam, videor speciosa locorum
Ingressus, nemus umbriferum surgebat in altum
Arboribus patulis exultans, Laureæ Phœbo,
Populus Alcidae gratissima, vitis Iacho,
Cyprida Myrtus amat formosam, Oleâq; Mineruam,
Fonte cadit modico, gratus conuallibus amnis,
Agminis aligeri, tenerum melos occupat aures.
Talibus intentus, quæ sint ea munera Diuum,
Illudne Elysium, sunt aut hæc Thessala Tempe,
Pectore sollicito dum verso, attolitur ingens
Cum fremitu fragor astra petens : ast vnde resultet
Incertum? mora nulla data est, cum personat Echo,
Clarifonas imo fuisse è pectore voces.
Non longè astantes : ruit alto à culmine Laurus,
Quâ solita est redimire viri Tritonia Virgo
Tempora cuiusdam, veterum decreta Sororum
Ferreæ qui subiit, cui suffecisse coronas
Est visum binas mundo, manet vltima cælo;
Ite procul virides Lauri, mæstæq; Cupressi

Vos feralè decus, contendite cingere postes
Exincti ! quæ dicta mihi incussere dolorem
Haud dubium, licet ignorem quo nomine gaudet
Quem memorant. Sed fama volans prænuncia tanti
Luctus, iam plures rumore impleuerat aures.
Hec vbi pro Cracijs erecta palatia Musis
Assurgunt & perpetuans Sapientia regnat,
Præproperis fatis ereptum, turba Virorum
Doctorum LVCAM OSTAVIVM completa dolore
Ingeminat, tempestas nostra laboribus vllis
Nouerat infractum quem, (mens nisi leua fuisset
Fatorum ah nouisset longum !) flore salutis
In medio, maturæ ceu si cuncta senectæ
Arbitrio faceret, per tendens ardua quæuis
In Studiorum & Virtutum sublimia, natus
Indolis egregiæ locuples, molimina rerum
Magnarum acturus: primæ laudata iuuentæ
Cum prætexta abiit, fretus maioribus annis,
Dotibus ingenuis & doctâ mente decorus
Vt prenda meritas, sapientum præmia, Laurus,
Maiorum monitis inducitur, atq;prehendit
Omne cum fausto, quia Numine suppeditante
Cælesti, sua Cui, tum seq; sacrauerat idem:
Incepit valido ingentes iam pectore curas
Voluere, quæis medijs Academi nomine diues,
Effet re, validos oneri donare lacertos
Spontè ratus iustum esse. proin LVBRANSCIA quo se
Gloria protendit præcellens inclyta famâ
Tendit, Musarum panditq; oracula Phoebi
Mentibus excelsis instillans diuite venâ
Dogmata Sacra Pœtarum; sed Tullius alto
Conueniens vatem dulcis, de vertice montis
Gorgonei reuocat, Suadæ iucunda tonantis
Offert rostra, satis nam respondere paratum
Et certare parem offendit; nec vana fuere
Auguria hæc, cathedris quoties nam constitit, instar
Argolici visus resonare est ore Periclis,
In causa sed Diuorum, qui STANESILAVM
Cuius præclarum celebrat Casimiria nomen

Eloquio dulci veneratus: DIVVS AQVIVS
Angelicus Doctor, clarissima Cynthia mundo, hoc
Oratore stetit, victuris credita chartis,
Auspicijs sub flammivomi prolata Leonis
WOIENII: fluitat felix OPALENIA naus
Elogiis huius solennibus orbe Polono;
Si Logicæ laqueos & cæca Sophismata solui
Expedit? hic facilis, victor semperq; triumphat:
Seu bona seu mala sint nobis quæ sidera monstrant,
Omnia ceu sapiens arcanâ mente resoluit,
A cuius nutu visa est pendere Mathesis
Interiora eius penetrat mysteria quando.
Exactâ sed iam totâ trieceride Posnæ,
Ad Cracias votis Maiorum appellere Musas
Instituit, Staringelij quæ mens pia struxit
Tecta regenda capit, quæis Phœbi docta iuuenta
Conditur, & promit dignas virtutibus Artes.
Panditur interea domus exornata Virorum
Ipsa licet minor at Magnorum mentibus altis
Excellens & confratrem dignatur amore
Concordi, cætus pulcher lætantur ouantes,
Astra virum sibi quod tantum benefida dedere,
Artibus ingenuis Pallas quem Diua beavit
Ad decus omne sibi, expoliendaq; pura studentum
Pectora. Sed Promotorem mox publica poscunt
Rostra, novos Academiæ qui præstet Alumnos
Arce coronandos IAGELONIS, quâ ore disertio
Illius, in quadro Sapientum vrbs fixa, triumphum
Egit: nec nimium post longè oblata secunda
Laurea præclaris operâ concesserat eius
Verticibus, sed Funiculo triplici decorata
Virtutis, Doctrinæ, præduriq; laboris
Trinum perfectum in tam docta mente manere
Conclufit. Placuit superis perfectio tanta,
Assensere omnes, dignus qui scandat olympum
Dixerunt. Et iam fatalia stamina Parcæ
Ruperunt. Cælos petijt, quid fletis amici?
Cælicolis mæsti deuotos reddite manes,
Nam fuit Astrorum cultor dignissimus Astris.





